

Ծովածուփ կենցաղոյս նաւեցար,  
սուրբ կուսանացն դասակցեցար:

Դու անբիծ մաքուր աղանի.  
Հրաշունչ ժամուս յոյժ անուանի.  
չար պատերազմն այսօր վանի,  
այլասեռքն հարան ամօթի:

Անարատ կոյս, դու մաքուր ջուր,  
սիրտ քո վառէր իբրեւ ըզհուր.  
չար դահիճ եւ թափանցիկ սուր.  
սակս այն խոցեաց, ակամբն էր կոյր:

Յիսուսի փրկչին նահատակ,  
այժմոյս ոչ գոյ ի քեզ քատակ.  
սուրբ Խանում, յորդառատ վըտակ  
քաջամարտ ամբիծ նրպատակ:

Պարակցեալ զօրացն անմարմնոց,  
վան քո սաստիկ հարուածոց,  
որ ի չարեաց զերծար անփորձ,  
եւ դասեցար ընդ վարթնոց:

Երանեալ մաքուր անբիծ կոյս.  
Թերամտից հաւատ եւ յոյս.  
համասփիւռ ծաղիկ նորաբոյս.  
խաւար մտաց ծագեցեր լոյս:

Տեառն Յիսուսի յոյժ սիրական,  
մաքուր տատրակ անապական.  
սրբուհի Խանում աննրման,  
հինգ իմաստնիցն համանրման:

Է աննրման անարատ կոյս.  
արամազնեացս համայնիցս յոյս.  
այս դժնդակ սառն կենցաղոյս.  
Թերամըտից հաստիչ եւ յոյս:

Կարապետ վարդապետս Հնծայ,  
յայժմիկ հոգիս զքեւ ջընծայ.